



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Epistola Dedicatoria.

urn:nbn:de:hbz:466:1-41515



SERENISSIMO
PRINCIPI AC DOMI-
NO, DOMINO

Wolfgango Wilhelmo

COMITI PALATINO RHENI, DVCI
BAVARIÆ, IVLIÆ, CLIVIÆ, ET MONTIVM;
Comiti in Veldentz, Sponheim, Marchia, Ra-
uenspurg & Mors, Domino in
Rauenstein, &c.

FRANCISCVS SACCHINVS
E SOCIETATE IESV, S.

Vellem adesset mihi, Serenissime Prin-
ceps, ingenium & lingua P. Petri Cani-
si, ut quantoperè ille gaudeat suas res
exornari nomine tuo, satis expromere,
& eloqui possem. Fuit profecto ille vir, ut virtutibus
ceteris in plenum instructus, ita boni publici perstu-
diosus, religionis Catholica immensum amans, &

A 2 propu-

propugnator vel ultra vires; sitientissimus animarum, cupidissimus bonorum, obseruantissimus eminentium personarum, & aduersus bene de se meritos admirabiliter gratus. Quae omnia Virum tibi, quemadmodum si mortalis superesset, maximè deuincirent, ita immortalitate beata (quod non dubitamus) perfruente[m], summè conciliant. Intuetur enim quantum ex te incrementi commune bonum, quantum casta religio, & animarum publica salus capiat. Principatus publica ornamenta, famulantesque Deo opes, unaque eximias priuata videt tuae vitæ laudes; nec sibi quantum tribuas, non intelligit. Itaque cum in clarissima illa sempiterni diei luce talia contempletur, plurimumque iam Beatorum in Regno possit ac polleat, deamat proculdubio te, per studiosè que tuetur; & aliis super alia cumulat donis, nihilo minus, quàm tu eius quasi disciplina alumnus te profiteris, tibi se probare gestiens Patronum ac Patrem. Igitur sancta eius mentis interpretanti sensum mihi vnus omnium oblatus es Tu, Optime Princeps, cuius maximè vellet cum suo nomine consociari nomen, rebusque inde suis firmamentum, ac splendorem adiungi; quo de pluribus posset, pro immensa illa, quae non extincta morte,

morte,

morte, sed aucta immortalitate est, communis boni cura, tanto commilitone, & quasi collega adiuvante, etiam mortuus benemereri. Hac explicare Canisius & dilatare quanta gravitate, ac sanctitate posset? Adderet & mihi argumenti benignitas facultatem, nisi quantum excitat eius praestantia, & ubertas, tantum coërceret modestia tua, cuius citra offensionem lumen illa suum adipisci non possunt. Verum satis opinor ratio constat consilij mei, cur opusculum hoc nomini tuo inscripserim: cetera de Canisio legent homines in his libellis: de te credent oculis suis. Cuius spectaculi fructum diuina bonitas det in tempus quàm longissimum maiore semper cum admiratione, & cumulatior gaudio v-surpare.

